

ЖАҢА БУЫН ЖАС МАМАНДАРДЫҢ ҚҰНДЫЛЫҚТАРЫ МЕН МҰРАТТАРЫ ЦЕННОСТИ И ИДЕАЛЫ НОВОГО ПОКОЛЕНИЯ МОЛОДЫХ СПЕЦИАЛИСТОВ

Наш ежедневник будет состоять из двух частей: первая часть для начинающих (для тех, кто только начинает его использование и привыкает к здоровому образу жизни), а вторая для продвинутых (для тех, кто уже прошел первый курс и привил необходимые полезные привычки и может пользоваться им постоянно). Постепенно, используя данный ежедневник, люди, использующие его, будут привыкать к ранним подъемам, научатся считывать свои биоритмы, привыкнут питаться правильно полезно и вкусно.

Мы планируем выпустить данный ежедневник в бумажном формате для любителей канцелярии, ведь большинство педагогов любят этот вид товаров. Однако, при необходимости (росте спроса), а также достаточном финансировании, этот ежедневник можно будет выпустить в формате мобильного приложения. В данное приложение можно будет включить напоминания о тех или иных задачах на день и голосовое прочтение некоторой информации, на случай если человек не может сейчас прочесть её (например, находится за рулем или готовит обед и др.).

Таким образом, мы предполагаем, что человек, который будет четко следовать всем рекомендациям по использованию данного ежедневника, за месяц сможет в разы улучшить состояние здоровья своих души и тела. В последствии, продолжая использование данного ежедневника, человек уже не сможет забыть о чем-то или отклониться от режима.

Данный ежедневник станет лучшим помощником тому, кому нужно научиться успевать выполнять все поставленные задачи и при этом оставаться стройным, здоровым, сильным и радоваться жизни.

Список использованных источников

1. С. Arnold, «What is a microresolution anyway?» 2019. [В Интернете]. Available: <http://www.carolinelarnold.com/what-is-a-microresolution-anyway/>
2. П. Тарасова, «Полезные привычки на все случаи жизни,» TION.RU, 2019. [В Интернете]. Available: <https://tion.ru/blog/poleznye-privychki/>
3. Е. Севастьянова, «4 психологические практики, которые наполняют жизнь счастьем,» 2018. [В Интернете]. Available: <https://lifehacker.ru/schastlivaya-zhizn/>

ӘОЖ 94 (574)

«МӘҢГІЛІК ЕЛ» ҚҰНДЫЛЫҒЫ ЖАСТАР БАҒЫТЫ

Қажигалиева Р.Б., 1 курс, құқықтану, экономика және құқық институты, А.Байтұрсынов атындағы Қостанай өңірлік университеті

Шаукенов Ж.А., қауымдастырылған профессор (доцент), тарих ғылымдарының кандидаты, А.Байтұрсынов атындағы Қостанай өңірлік университеті

Мақалада «Мәңгілік Ел» ұлттық идеясы тұрғысынан азаматтық пен патриотизмді қалыптастырудың маңызы көрсетілген. Азаматтық және патриоттық тәрбиенің айқын әлеуметтік бағыты бар, соған байланысты олардың жақындауы, интеграциясы жүзінде және бұл процестер азаматтық-патриоттық тәрбиені ажырамас әлеуметтік-гуманитарлық құбылыс ретінде қарастыруға мүмкіндік береді.

«Мәңгілік ел» сөзі аспаннан түсе қалған жоқ. Ол біздің тамыры тереңде жатқан түп тарихымыздан алынды. Оны дәлелдеп жатудың да қажеті жоқ. Тәуелсіздікке қол жеткізгеннен гөрі оны ұстап тұру әлдеқайда қиын. Бұл – әлем кеңістігінде ғұмыр кешкен талай халық-

ЖАҢА БУЫН ЖАС МАМАНДАРДЫҢ ҚҰНДЫЛЫҚТАРЫ МЕН МҰРАТТАРЫ ЦЕННОСТИ И ИДЕАЛЫ НОВОГО ПОКОЛЕНИЯ МОЛОДЫХ СПЕЦИАЛИСТОВ

тың басынан өткен тарихи шындық. Өзара алауыздық пен жан – жаққа тартқан берекесіздік талай елдің тағдырын құрдымға жіберген. Тіршілік тезіне төтеп бере алмай, жер бетінен ұлт ретінде жойылып кеткен елдер қаншама. Бір кездерде дүркіретіп билік құрған Көктүріктер империясы ту еткен, Тоныкөк негізін қалаған, ұлы Шыңғыс хан империясының атына айналған «Мәңгі ел» құндылығы бүгін, міне, осылайша Қазақстан мемлекетінің түп қазығы – ұлттық идеясына айналды. Қазақтың Мәңгілік Ғұмыры ұрпақтың Мәңгілік Болашағын баянды етуге арналады.

Жаңа ғасырдың екінші онжылдығында елдің алдында инновациялық-өндірістік дамуға өту жөнінде жаңа әлеуметтік-экономикалық міндеттер тұрды. Жаңа тарихи жағдайда қазақ халқының алдында жаңа тарихи парыз тұр, деп көрсетілді «Қазақстанның ұлт бірлігі доктринасында» [1]. Аталған мәселелер жаңарған қоғамнан бірлік пен қоғамдық келісімге сүйенген ұйысудың жаңа түрін талап еткен еді. Доктринаны талқылап әзірлеуге беделді қоғам қайраткерлері мен халық құлақ асатын зиялы қауым өкілдері тартылды. Сондықтан, Үкімет мақұлдаған Қазақстанның Ел бірлігі доктринасын билік пен қоғам арасындағы сындарлы келісім негізінде дүниеге келген құжат деп атауға болады.

Саяси түсіндірме құралына жүгінетін болсақ «доктрина» – (лат. doctrina) – ғылыми-философиялық ілім, білім, саяси жүйе деген мағынаны білдіреді. Доктрина – іс-әрекет жасауға бағыт беретін нақтылы нұсқаулар принциптерінің жиынтығы. Әлемдегі тәжірибеде доктриналар көбінесе билік үшін күрестің саяси қозғалыс мүшелерін ықпалдастыру құралына да айналады. Доктрина негізінде Елбасы Жолдауында жарияланған халықтың ең басты құндылығы ретінде Тәуелсіздік идеясы қаланған. Доктрина этносаралық төзімділіктің қазақстандық үлгісі негізінде құрастырылған, уақытында ұсынылған маңызды құжат. Доктрина – болашақ дамуға бағытталған әрекеттің жетекшілікке алынатын теориялық және саяси ұстынын білдіретін мемлекеттік маңызды құжат.

Елбасы Н.Назарбаев «Қазақстан жолы-2050: Бір мақсат, бір мүдде, бір болашақ» атты Қазақстан халқына арнаған Жолдауын жарияланғаны белгілі. Стратегиялық бағдарламада Мемлекет басшысы еліміздің ендігі межесі мен асуын айқындап берді. Жалпы Қазақстан халқы үшін Жолдаудың орны орасан. Жолдау – жүріп өткен жолымыздағы кіріс-шығысты пайда, зиянды безбендейтін әділ таразы және ертеңгі алыс сапарға аттанар даңғайыр даңғылдың бағдармашы.

Астанада Бейбітшілік пен келісім сарайында 2016 ж. 26 сәуірде өткен Қазақстан халқы Ассамблеясы кеңесінің «Тәуелсіздік. Келісім. Болашағы біртұтас ұлт» атты XXIV сессиясында «Мәңгілік Ел» [5] патриоттық актісі қабылданды. Біз, Қазақстан азаматтары, Нұрсұлтан Назарбаевтың тарихи «Тәуелсіздік толғауын» негізге ала отырып, Болашағы Біртұтас Ел – Мәңгілік Елді құру жолында біргеміз.

Мәңгілік Ел... Мәңгілік Қазақстан... Осынау қастерлі ұғымдар ата-бабаларымыздың мәңгілік арманы, мәңгілік аңсары еді ғой. Тәуелсіздіктің бар-жоғы 29 жылында сол арманның асау тұлпарын ауыздықтап, ерттеп міндік. Көздеген көмбеге мерейлі межеге жеткізер құбыламыз – Қазақстан-2050 Стратегиясы. Ширек ғасырдан астам ұзақ мерзімге жоспар жасау – құрғақ қиял емес. Осы күні өркениеттің шырқау шыңын шығып отырған ондаған мемлекеттер осы жолдан өткен. Бірақ біздің жолымыз бөлек. Біздің жолымыз – Елбасымыз Н. Назарбаев тізгін ұстаған Қазақстандық жол.

Болашаққа бағдар жолды бағамдайтын осы бір тарихи құжатта талай дүние қамтылады. Келешегі кемел Отанымыз үшін бұл құжаттың маңызы үлкен. Аты айтып тұрғандай, маңызды құжат барлық қазақстандықтарды ортақ мақсатқа жетелейді. Барлығымыздың мақсатымыз – тәуелсіздігімізді мықтап сақтай отырып, еліміздің дамыған 30 елдің қатарына қосу болып табылады. Осы межені бағындыру мақсатында елімізде қаншама мемлекеттік бағдарла-

**ЖАҢА БУЫН ЖАС МАМАНДАРДЫҢ
ҚҰНДЫЛЫҚТАРЫ МЕН МҰРАТТАРЫ
ЦЕННОСТИ И ИДЕАЛЫ НОВОГО ПОКОЛЕНИЯ
МОЛОДЫХ СПЕЦИАЛИСТОВ**

малар жүзеге асырап жатыр. Жолдауда 35 жылды әр бес жылдыққа бөліп, даму сатымызды көрсетіп, әр бір бесжылда мақсаттарымыздың орындалатындығы нақаз жеткізіп отырғанымызды нақтылай айтып берді. Елбасы еңбек пен ғылымға иек артуымыз керектігін айтты. Әлемдік бәсекеде ғылым үлкен рөл атқарады, ғылым арқылы бәсекеге төтеп береміз. Елбасының Жолдауында жастарға, келешек маман иелеріне назар аударғаны қатты әсер етті. Осы тұрғыда биылғы Жолдауында: «Әсіресе, жастарымызға мынаны айтамын. Бұл Стратегия сіздерге арналған. Оны жүзеге асыратын да, жемісін көретін де сіздер. Өз жұмыс орындарыңызда отырып, осы жұмысқа әрқайсысыңыз атсалысыңыздар». Немқұрайлық танытпаңыздар.

XXI ғасырдағы дамыған ел дегеніміз – белсенді, білімді және денсаулығы мықты азаматтар. Барлық дамыған елдердің сапалы бірегей білім беру жүйесі бар. Жетекші университеттерді академиялық және басқарушылық автономияға бірітіндеп көшіруге жоспарлы түрде кірісу қажет. Үлгерімі жақсы студенттер мен оқушыларды қолдаудың тиімді жүйесін жасау қажет деп санаймын. Үкіметке 2016 жылғы 1 қаңтардан бастап стипендиялар мөлшерінің 25 пайызға өсірілуін қамтамасыз етуді тапсырамын», – деп атап өтті. Бұл біздер, студенттер үшін, әрине, қуанышты жайт. Шәкіртақы мөлшері көбейген сайын студенттің де оқуға деген ықыласы, талабы артатыны сөзсіз. Осы жұмыстарды атқара отырып, бізге «сендердің азат ойларың мен кемел білімдерің – елімізді қазір бізге көз жетпес алыста, қол жетпес қиянда көрінетін тың мақсаттарғы апаратын құдіретті күш» – деп сенім білдіреді [2].

Елбасы кезекті жолдауында жастардың патриоттық санасын қалыптастыру тақырыбын да назардан тыс қалдырмады. Елбасы «тек бірлесіп қана, бүкіл халықтың күш-жігерін біріктіріп қана біз алға баса аламыз» – деп халықты бірлікке шақырды. Артынан «Қазақстан патриотизмінің іргетасы – барлық азаматтардың тең құқылығы және олардың Отан намысы алдындағы жалпы жауапкершілігі» деп нақты бағытын көрсетті.

«Қазақстан-2050» стратегиясының «Жаңа қазақстандық патриотизм – біздің көпұлтты конфессиялы қоғамымыз табысының негізі» бөлімінде көрсетілгендей біздің негізгі құндылықтарымыз: жаңа қазақстандық патриотизм, еліміздің әрбір азаматы өзін өз жерінің қожасы ретінде сезінуге тиіс екенін айтады. Сонымен қатар, Елбасы еліміздегі барлық этнос азаматтары құқытарының теңдігі туралы ескертіп келеді. Біз бірлігіміз жарасқан көпұлтты мемлекетпіз.

Елбасы Қазақстанның болашағы – қазақ тілінде екенін айта келіп, жастарымыздың заман талабына сай үш тұғырлы тілді меңгеру қажеттігін мақсат етіп қойды. Енді ешкім өзгерте алмайтын бір ақиқат бар. Ол ана тіліміз Мәңгілік Елімізбен бірге Мәңгілік тіл болды! Ал, орыс тілін білу – біздің ұлтымыздың тарихи артықшылығы екені баршамызға белгілі. Дәл осы орыс тілі арқылы қазақстандықтар бірнеше ғасыр бойы қосымша білім алып, ел ішінде де, шет елдерде де өз дүниетанымдары мен араласатын ортасын кеңейтіп келе жатыр. Біз ағылшын тілін игеруде серпіліс жасауымыз керек. Осы жағдайда Елбасымыз «Орта білім жүйесінде жалпы білім беретін мектептерді Назарбаев зияткерлік мектептеріндегі оқыту деңгейіне жеткізу керек. Жастарымыз қазақ, орыс және ағылшын тілдерін білуге тиіс. Оларды оқыту нәтижесі оқушылардың сындарлы ойлау, өзіндік ізденіс пен ақпаратты терең талдау машығын игеру болуға тиіс» екенін басты назарға қойды [3, 26.].

Елбасы халқымыздың дәстүрі мен мәдениетін – ұлттың генетикалық коды екенін айтты. Жаһандану иірімінен аман қалу үшін де біз дәстүрімізбен, тілімізбен, мәдениетімізбен ғана ерекшелене аламыз. Осының барлығын шынайы жүзеге асыру үшін Елбасы интеллигенцияның ролі жоғары. Дәстүр- адамзат тіршілігінің басты категорияларының бірі. Дәстүр жоқ жерде ғұрып, ғұрып жоқ жерде тәртіп, мақсат және мүдде болмайтынын өмір көрсетіп отыр. Елбасының «Мәңгілік ел» идеясының астарынан халқымыздың қаншама ғасырлар бойы берік

ЖАҢА БУЫН ЖАС МАМАНДАРДЫҢ ҚҰНДЫЛЫҚТАРЫ МЕН МҰРАТТАРЫ ЦЕННОСТИ И ИДЕАЛЫ НОВОГО ПОКОЛЕНИЯ МОЛОДЫХ СПЕЦИАЛИСТОВ

ұстанған салт-дәстүріне шексіз құрметті анық аңғартады. Білім мен тәрбие беру арқылы оқушы бойына ұлттық құндылықтар жүйесін қалыптастыру, елімізді әлемдегі өскен-өркендеген 30 елдің санатына енгізуді көздейді.

Тұңғыш Президенттің қазақстандық ұлттық идеясы – «Мәңгілік Ел» патриоттық актісін құру міндеті бізді үлкен қуанышқа бөлейді. «Мәңгілік Елдің» жеті қағидасы біздің дамуымыздың арқаулық құндылықтарын, Қазақстан халқының ортақ мүддесі мен тарихи тағдырын айшықтайды. Себебі, «Мәңгілік Ел» мұратына жету ұрпақтар бірлігі мен сабақтастығының көрінісі арқылы жүзеге асатындықтан да Ұлт көшбасшысының халықтың үш буынына үн қатуы кешегі тарих қойнауындағы бабалар үнін тағы да жаңғыртқандай әсер қалдырды. Елбасы жаңа стратегияны жүзеге асыруда қазақ халқына айырықша жауапкершілік жүктелетіні, бабалар өсиетіне адал, іс-қимылда ірілік көрсету қажеттігін тұжырымдай келе, бейбітшілік, тұрақтылық, және гүлдену арқылы ғана ХХІ ғасыр Қазақстанның алтын ғасырына айнала алатындығы туралы пайымын ел-жұртына жеткізді [4, 4-5б.].

«Қазақстан-2050» Стратегиялық жобасы – біздің адастырмас компасымыз, айнымас теңірқазығымыз. Алайда, байлық пен абырой, жануарлар мен жаңғырулар аспаннан жаумайды. Одан дәмелі елдің әр баласы еңбек пен ғылымға арқа сүйеуі қажет. Елбасының бізден талап отырғаны да осы. Сонда ғана халықтың әл-ауқатын көтеріп, жаһанды мойындатып, Жер бетіндегі азулы 30 мемлекеттің қатарынан ойып тұрып орын аламыз.

Бірақ бүгінгі әлемде ешкімге есеңді жібермей ғұмыр кешу – оңай шаруа емес. Әр мемлекет өз мүддесі тұрғысынан жанталаса әрекет етіп жатыр. Бірі алып жесем, бірі шалып жесем дейді. Сондай саясат сайысында, бағдар қақтығысында жеңіліске ұшырамай, әманда жеңіс тұрғысынан көріну үшін тиімді тактика, салымды стратегия керек. Құдайға шүкір, ондай нәрсе Қазақстанда бар. Ол – «Қазақстан-2050» Стратегиясы, Мәңгілік Ел идеясы. Осы құндылықтар бізге қуатты қару, асқақ рух болады деп шүбәсіз сенемін. Өйткені Елбасымыз айтпақшы, «Мәңгілік Ел – ата-бабаларымыздың сан жылдан бергі асыл арманы. «Қазақстан-2050» бағдарламасы – Мәңгілік Елге бастайтын ең абыройлы, ең мәртебелі жол» [5].

Қорыта келе, айтылған маңызды мәселелердің әр азамат ой елегінен өткізіп, оған сүбелі үлесін қосуға тырысуы қажет. Ғылыми қамтуды, экономиканы дамыту, еліміздің көркеюіне ат салысу жастарымыздың мойнындағы міндет. Ал жетістік пен ғылым инемен құдық қазғандай білімнің арқасында ғана жалынан сипатады. Сондықтан Жолдауда Елбасы алға қойған мақсаттар мүддесінен шығу үшін жастардың талмай ізденіп, ғылыми-зерттеу жұмыстарына, жобаларды жүзеге асыруға белсене кірісуі керек деп ойлаймын.

Пайдаланылған әдебиеттер тізімі

1. Ұлт бірлігі Доктринасы. www.assambly.kz
2. Қазақстан жолы-2050: «Бір мақсат, бір мүдде, бір болашақ» атты Қазақстан халқына арнаған Жолдауы // Егемен Қазақстан, 2014
3. Е.Нүрекешов «Мәңгілік Ел – біздің келешегіміз», 2014
4. «Мәңгілік Ел» идеясы білімнің арқасында жүзеге асады, 2014
5. «Мәңгілік Ел» патриоттық актісі //Егемен Қазақстан, 2016